



REPUBLIKA E KOSOVES
REPUBLIKA KOSOVO/ REPUBLIC OF KOSOVO
KËSHILLI PROKURORIAL I KOSOVËS/ TUŽILAČKI SAVET KOSOVA/KOSOVO PROSECUTORIAL COUNCIL

Në mbështetje të nenit 30, paragrafi 5 të Kushtetutës së Republikës së Kosovës, nenit 4 të Ligjit për Këshillin Prokurorial të Kosovës, Ligjit për Prokurorin e Shtetit, nenit 57 dhe nenit 58 të Kodit të Procedurës Penale të Kosovës, nenit 16 dhe 17 të Ligjit për Menaxhimin për Financat Publike dhe Përgjegjësitë, Këshilli Prokurorial i Kosovës (KPK), në takim e mbajtur me datën 05 shtator 2014, nxori këtë:

UDHËZIM ADMINISTRATIV

Nr. 02/2014

për

Procedurat për Kompensimit të Mbrojtësve me Shpenzime Publike

I

Dispozitat e përgjithshme

Neni 1

Qëllimi

Ky Udhëzim ka për qëllim të përcaktoj kriteret, procedurën dhe lartësinë e kompensimit të avokatëve mbrojtës me shpenzime publike në të gjitha Prokuroritë e Republikës së Kosovës.

Neni 2

Avokati mbrojtës me shpenzime publike

1. Për qëllime të këtij udhëzimi termi avokat mbrojtës me shpenzime publike nënkupton avokatin e regjistruar në Odën e Avokatëve të Kosovës, i cili është:
 - 1.1. Emëruar sipas detyrës zyrtare nga prokuroria për të mbrojtur të pandehurin në rast të mbrojtjes së detyrueshme sipas Kodit të Procedurës Penale, ose
 - 1.2. Emëruar nga Prokuroria me kërkesë të të pandehurit sipas të Kodit të Procedurës Penale, nëse nuk janë plotësuar kushtet e mbrojtjes së detyrueshme;

Neni 3

Kompensimi i avokatit mbrojtës me shpenzime publike

1. Avokati mbrojtës me shpenzime publike do të kompensohet për:
 - 1.1. Shqyrtimin e shkresave;
 - 1.2. Mbrojtjen e të pandehurit sipas kërkesave të Prokurorit;

II

Kompensimi për shërbimet e Avokatit mbrojtës

Neni 4

Shqyrtimi i shkresave

1. Për shqyrtimin e shkresave në Departamentin e Përgjithshëm avokati mbrojtës me shpenzimet publike i takon kompensimi në vlerë prej **10 €**.
2. Për shqyrtimin e shkresave në Departamentin për Krime të Rënda dhe në Departamentin për të Mitur, avokatit mbrojtës me shpenzimet publike i takon kompensimi në vlerë prej **20 €**.
3. Për shqyrtimin e shkresave, mbrojtësi kompensohet vetëm një here.
4. Në rast të shqyrtimit të shkresave plotësuese për një rast konkret, mbrojtësi mund të kompenzohet edhe një herë shtesë.
5. Mbrojtësi nuk mund të kompenzohet me shume se dy herë për shqyrtimin e shkresave për një rast konkret.

Neni 5

Mbrojtja e të pandehurit

1. Për mbrojtjen e të pandehurit në seancë në Departamentin e Përgjithshëm, sipas kërkesës së Prokurorit, avokatit mbrojtës me shpenzime publike i takon kompensimi 40% i tarifës së paraparë në Odën e avokatëve të Kosovës, si në vijim:
 - a. Për vepër penale për të cilën parashihet dënimi deri në tri vite burg, **40 €**;
 - b. Për vepër penale për të cilën parashihet dënimi deri në pesë vite burg, **48 €**;
 - c. Për vepër penale për të cilën parashihet dënimi deri në dhjetë vite burg, **68 €**.
2. Për mbrojtjen e të pandehurit në seancë në Departamentin për Krime të Rënda dhe të miturit në Departamentin për të Mitur, sipas kërkesës së Prokurorit, Mbrojtësit sipas detyrës i takon kompensimi prej **40 %** e Tarifës së Odës së avokatëve të Kosovës, përkatësisht kompensimi në shumë prej **80 €**, për vepër për të cilën parashihet dënimi mbi dhjetë vite burg.

3. Për mbrojtjen e të pandehurit në seancën që zgjatë më shumë se një (1) orë, sipas kërkesës së Prokurorit, avokatit mbrojtës me shpenzimet publike i takon kompensimi plotësues.
4. Për çdo orë shtesë të prezencës në seancë, sipas kërkesës së Prokurorit, avokatit mbrojtës me shpenzimet publike i takon + **30%** e kompensimit të përcaktuar me paragrafët 5.1 dhe 5.2.

Neni 6 **Limiti i Kompensimit**

Kompensimi i avokatit mbrojtës me shpenzime publike nuk mund të tejkaloj shumën prej pesëqind euro (**500.00 €**) për një (1) muaj kalendarik duke përfshirë angazhimin e tyre në të gjitha Prokuroritë e Republikës Kosovës.

III. **Procedura për Kompensimin e avokatit mbrojtës**

Neni 7 **Avokati mbrojtës i angazhuar me shpenzime publike**

1. Avokati mbrojtës me shpenzime publike i angazhuar për herë të parë është i obliguar që në Prokurori të dorëzojë këto dokumente:
 - 1.1. Certifikatën e regjistrimit të biznesit dhe të Avokatisë;
 - 1.2. Certifikatën e numrit fiskal;
 - 1.3. Kopjen e llogarisë bankare në emër të biznesit/Avokaturës;
 - 1.4. Kopjen e letërnjoftimit;
 - 1.5. Kopjen e kartelës identifikuese valide të lëshuar nga OAK.

Neni 8 **Formulari për Kompensim**

1. Pas përfundimit të seancës prokurori i rastit është i obliguar që të plotësoj formularin për kompensimin e avokatit mbrojtës me shpenzime publike.
2. Formulari për kompensim duhet të nënshkruhet nga prokurori i rastit dhe Kryeprokurori i Prokurorisë përkatëse.
3. Në Formularin për kompensim është e domosdoshme që pranë nënshkrimit të jetë i shënuar emri dhe mbiemri i prokurorit të rastit dhe Kryeprokurorit të prokurorisë përkatëse.

Neni 9 Fatura

1. Fatura duhet t'i përmbajë këto të dhëna:
 - 1.1. numrin e faturës;
 - 1.2. datën e faturës ;
 - 1.3. emrin e lëshuesit të faturës (emri i biznesit/avokaturës);
 - 1.4. numrin e llogarisë bankare në emër të avokaturës-biznesit;
 - 1.5. numrin fiskal të biznesit;
 - 1.6. emrin e prokurorisë dhe departamentit përkatës;
 - 1.7. specifikacionin sipas numrit të lëndës;
2. Fatura që të jetë valide duhet të jetë:
 - 2.1. e nënshkruar dhe vulosur, me ngjyre të kaltër, (vula duhet të jetë në emër të avokaturës /biznesit);
 - 2.2. e pastër dhe jo e përmirësuar.

Neni 10 Procedura për realizimin e Kompensimit

1. Formularin për kompensim të plotësuar dhe të nënshkruar sipas paragrafëve 9.1 dhe 9.2 dhe Faturën valide me të dhënat sipas paragrafit 10.1 dhe 10.2 avokati mbrojtës me shpenzime publike:
 - 1.1. e dorëzon te administratori i prokurorisë apo Zyrtari Financiar i prokurorisë;
 - 1.2. dorëzimi i dokumentacionit për muajin paraprak detyrimisht bëhet nga data 01 (një) deri me 05 (pesë) të muajit vijues.
 - 1.3. përjashtimisht në rrethana të jashtëzakonshme nuk i përmbahet afateve nga pika 1.2 e këtij neni për dorëzimin e dokumentacionit për muajin paraprak, pagesa mund të realizohet me arsyetim nga avokati mbrojtës dhe aprovim nga Kryeprokurori i Prokurorisë përkatëse.
2. Administratori apo Zyrtari Financiar i prokurorisë përkatëse pas kontrollimit dhe verifikimit të të dhënave, përgatitë tabelën përmbledhëse cila nënshkruhet nga Kryeprokurori i prokurorisë përkatëse dhe Administratori/ dhe të njëjtën zyrtari i financave tabelën përmbledhëse dhe dokumentacionin përcjellëse dorëzon sipas paragrafit si më poshtë:
 - 2.1. dorëzon në SKPK-Zyra për Buxhet dhe Financa,
 - 2.2. dorëzimi i tabelës me dokumentacionin e nevojshëm për muajin paraprak bëhet deri më datën 10 të muajit vijues.

Neni 11 Zbatimi

- 1 Për zbatimin e drejt dhe efikas të këtij Udhëzimi Administrativ me mbështetjen e Zyrës për Buxhet dhe Financa të SKPK-së, do të përkujdesen Administratori, Zyrtari Financiar i Prokurorisë përkatëse.
2. Avokatët mbrojtës me shpenzime publike nga prokurorët përcaktohen sipas renditjes, të cilën e përcakton OAK.

Neni 13 Hyrja në fuqi

Ky Udhëzim Administrativ hyn në fuqi ditën e miratimit nga Këshilli Prokurorial i Kosovës, dhe ka karakter retroaktiv nga data 1 gusht 2014.

Prishtinë,

05 shtator 2014



Syle Hoxha

Kryetar i Këshilli Prokurorial